

Platt partu:

Rundbreef 2024-03

Wettrennen twüschen Hasen un Hehns

To Oostern dreiht de Hennen rop,
ok Hasen start dat Rennen: Hopp!
Dat Rennen is för Hennen Sport.
As Siegpries hebbt se Spennen hort't.
De Hasen hebbt op't Winnen sett,
wiel geern se mit all Sinnen wett't.
Wi wünscht all de Hennen Spood
un leggt wat in den Spennenhoot.

Moinmoin, leve plattdütsche Maten un Frünnen!

Nu is't Lent woorn un geiht op dat Oosterfest! Ofschoonst de Februar düt Johr een Dag länger weer, is dat op uns Websiet keen so vulle Maand woorn, avers doch en schöne. An füng dat noch mit den [Karneval, de en intressante Geschicht hett. Noch weer dat koolt.](#) De Valentinsdag in de Midd vun'n Maand [warrt vun trendige Lüüd hüüt nahaltig begahn.](#) Denn [sett ok al de Passioonstied in,](#) en fierlich, hillig Tied, de wi als elk Johr [mit Andachten begleidt.](#)

In't [Natuurnotizbook](#) hebbt de Vagels dat nich licht, de [Lünken sünd noch op Foder anwiest,](#) un nich mal dat köönt se freten, [wenn de Sperber luert.](#) Oostern is noch wied, avers [ole \(un lütte\) Zägen](#) sünd al ünnerwegens, un de lüttje [Haas geiht al op Kundschaft — för de Dannenkinner.](#) Thomas Seemann kennt un maalt de [längste Lüttbahn vun Oostfreesland,](#) Fidi Ehlbeck bekiekt [sülvstkritisch sien Schönheit,](#) un [Silke Frakstein snackt keen Franzöösch.](#)

Dat de Februar to warm weer, is sünnenklaar. In een vun de allereersten Bidrääg op Plattpartu, den "[Sünnschienkieker](#)" [vun'n April 2002,](#) steiht de Buernwiesheit: "Un de April is noch so good, den Tuunpahl maakt he doch en Hoot." En Hoot vun Snee, versteiht sik. De April. Dat schient vundaag undenkbor, un dat is eerst 20 Johr her... Man dat kann sik wedder ännern, de Klimawannel hett noch veel in petto — un [wi Minschen hebbt nix as Krieg in'n Sinn.](#) Klar leevt wi in en Tied vun erdrücken weltwiede [Aktualitäten — vun Gaza bet Football.](#) De [Limericks-Klenner vun Ludgerd Lüske](#) maakt sik dütmaal tomehrst över den apentlichen Verkehr lustig, un Behrend Böckmann reket af [mit Kriegsdrievers](#) un reddt de Ehr vun [verfemte Denkers.](#) Sogor de [Maanden-Notizen](#) sünd [op een Aart politisch.](#) Ok de wetenschaplich Aktualität is dat — op jeden Fall bi't Klima —, avers noch nich so in de [Ruumfohrt,](#) de uns mit de Naricht beglückt, dat de knuddelige [Sonde SLIM wedder opwaakt](#) is.

So hööpt wi denn op mehr Lentwunner, opletzt ok op dat grote Oosterwunner, un dat Schönst weer, wenn all de Kriegen ophaaln un Vernimm bi de Minschen inkehrn wöör. Mit düsse Toversicht segg ik Adjüüs bet neegsten Maand!

Nu de Linkliste. Op de Links bruukt Se bloots klicken, dat Se henkaamt.

Plattdüütsch Künst:

[Limericks för Februar](#) van Ludgerd Lüske (25.2.)

[Notizen ut'n Heumaand](#). Fotos un Verse vun Marlou Lessing (25.2.)

De Welt un Gott:

[Passion 2024: Reminiszere. Andacht](#) vun Marlou Lessing (25.2.)

[Dierten in'n Lüdschnack: Ein olle Zääch](#). Vun Behrend Böckmann (18.2.)

[Passion 2024: Invocavit. Andacht](#) vun Marlou Lessing (18.2.)

[Schönheit](#). Vun Fidi Ehlbeck (18.2.)

[Parlez-vous français?](#) Vun Silke Frakstein (11.2.)

[Jan Klein, de Längste](#). Vun Thomas Seemann (4.2.)

[Von Faslam taun Kostümball](#). Vun Behrend Böckmann (3.2.)

Natuur un Wetenschap:

[Wat Ruumfohrt is](#). Vun Marlou Lessing (3.2.)

In't [aktuelle Natuur-Notizbook](#):

[SLIM leevt!](#) Vun Marlou Lessing (29.2.)

[Plietsch ahn Plietschfon](#). Vun Meike Balzer-Fraun (23.2.)

[Februormaand](#). Vun Meike Balzer-Fraun (11.2.)

[Mien Lünken](#). Vun Behrend Böckmann (3.2.)

Wat in de Welt vörgeiht:

[Wecker kennt noch Kriegsdriewer?](#) Vun Behrend Böckmann (14.2.)

[Duersåm taun Valentinsdach schenken!](#) Vun Behrend Böckmann (14.2.)

[Lütt bäten Recht harrn s' doch](#). Vun Behrend Böckmann (4.2.)

In't [plattdüütsche Notizbook](#) vun Marlou Lessing:

[Woso Gaza-Protest?](#) (29.2.)

[So geiht Demokratie](#) (23.2.)

[Falsche Film](#) (18.2.)

[Mehr Bescheidenheit!!](#) (11.2.)

För Kinner:

Modder Sünn ehr Kinner: Wat de lüttje Håås utkunnschaftet. Märken vun Sophie Reinheimer, överdragen vun Klaus-Dieter Tüxen (25.2.)

Hartlich grööt

Marlou Lessing un dat lütte Plattpartu-Team